

Daut baste es, daut de Himmel fa Junges un Mejales (un groote Menschen uk) es, dee doa jleewen daut Jesus Christus an rat, un am, äa Har jehuarsom sent.



19

Doa es een Buak em Himmel, daut heet Daut Läwensbuak vom Laum. Daut es gauns voll von Menschen äare Nomes. Weetst du wäms Nomes doa sent? Aul dee Menschen dee aun Jesus jleewen. Es dien Nomen doa?



20

De latste Wieed enne Bibel äwa däm Himmel sent eene sea scheene Enlodunk.




21

"De Jeist un de Brut sajen: Komm! Un wäa daut hieet, dee saul uk sajen: Komm! Un wäm darscht, däm lot komen. Un wäa doa well, saul daut Läwenswota emsonst nämen."



22

De Himmel, Gott sien wundaboaret Tus




De Himmel, Gott sien wundaboaret Tus
Eene Jeschicht von en daut Wuat Gottes, de Bibel

finjt eena en

Johanes 14, 2. Korinta 5,
Openboarunk 4, 21, 22

"Wan dien Wuat openboat woat, jeft daut Licht." Psalm 119:130

Jeschräwen von Edward Hughes
Jemolt von Lazarus

Äwasat von Ed Zacharias
Toom Pauss jestalt von Sarah S.

Story 60 of 60

M1914.org

Bible for Children, PO Box 3, Winnipeg MB R3C 2G1 Canada

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Gott weet daut wie schljachtet jedonen haben, waut hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.

Wan du von diene Sinden west wajchdreien, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen. Johanes 3:16

Lass de Bibel un räd jieda Dach met Gott!

Plautdietsch Low German

Aus Jesus oppe Ieed wia, vetald hee siene Jinja vom Himmel. Hee nand daut "Mien Voda sien Hus," un säd daut doa väl Woinjen wieren.



1

Eene Woinj es een schmocket grootet Tus. De Himmel es jrata un schmocka aus irjent een Hus oppe Ieed.



2

Jesus säd, "Ekj go han, junt de Städ reedtomooaken. Un wan ekj hango, de Städ fa junt reedtomooaken, woa ekj trigj komen un junt uk no mie nämen."



3

Von doa aun, hoolen Christen daut emdenkj, daut Jesus vesproaken haft trigj to komen un an to holen. Jesus säd hee wudd plazlich wadakomen, wan Lied doa nich opp räakjenden.



4

Waut waut dan met Christen dee doa stoawen ea hee wadakjemt? De Bibel sajcht daut dee no Jesus gonen. Nich em Kjarpa sennen es biem Harn sennen.



5

De Openboarunk, daut latste Buak enne Bibel, sajcht ons woo scheen de Himmel es. Daut baste es, daut de Himmel es besondasch Gott sien Tus. Gott es aulawääjen, oba sien Troon es em Himmel.



6

De Enjel un andre himlische Jeschepfa preisen Gott em Himmel. Daut doonen uk aul Gott siene Menschen dee jestorwen sent un nom Himmel jegonen sent. Dee sinjen besondre Leeda toom Gott lowen.




7

Hia sent waut Wieded von een Leet waut dee sinjen: Du best em Staund, wiels du hast ons von aule Velkja un Nazionen derch dien Bloot jerat un ons to Kjennichs un Priesta fa Gott jemoakt. (Openb. 5,9)




8

Opp de latste Sieden enne Bibel woat de Himmel beschräwen aus "Daut niee Jerusalem." Dee es sea, sea groot, met huage Wenj runtom.



9

De Waunt es von Jaspies Steen, soo kloa aus Glas. Vål-kalieceje, diere un wietvolle Steena stonen opp daut Fundament. Jieda Staatspuat es von eene eenselne Parl jemoakt.




10

De Parlen Puats waoren nieenich too jemoakt. Well wie emol doanenn gonen. Von bennen es de Himmel noch schmokka. Dise Staut es von reinet Golt, kloa aus Glas, jemoakt. Soogoa de Gaus es von Golt jemoakt.




11

Een sea schmokka, kloara Riefa met Lävns-Wota rant von Gott sienen Troon. Aun jieda Sied vom Riefa es de Lävns-Boom, dee emol em Goaden Eden via. Dit es een besondra Boom. Dee drajcht jieda Moonat eene andre Frucht. De Bläda von däm Boom sent toom de Velkja heelen.




12

De Himmel brukt nich eene Sonn ooda Mon fa Licht. Gott siene Harlichkjeit dacht aules opp. Daut es doa niemols Nacht.




13

Uk de Tieren em Himmel sent besonda. Dee sent emma tom un frintlich. Wilw un Lama fräten toop Graus. Soogoa de stoakja Leiw frat Stroo, soo aus de Oss. De Har sajcht, "See sellen opp mienen Heiljen Boajch nich velazen ooda vedoawen."



14

Wan wie romkjikjen, dan woa wie en daut eenjet nich em Himmel es. Eena hieet doa kjeen schlemmet Wuat. Kjeena zankt sikj ooda helt waut fa sikj.



15

Doa sent kjeene veschlotne Däaren, wiels doa kjeene Reiba em Himmel sent. Kjeena licht, merdat, woasajcht ooda es schlagcht. Doa es kjeene Sind von irjent eene Sort em Himmel.



16

Doa sent kjeene Tronen bie Gott em Himmel. Eenjemol hielen Gott siene Menschen, wiels see en dit Lävns lieden. Em Himmel wescht Gott aule Tronen wajch.



17

Em Himmel es doa kjeen Doot. Gott siene Menschen waoren emma metem Harn sennen. Doa es kjeen truaren, kjeen roaren, un kjeene Weedog. Kjeene Krankheit, kjeen scheeden, kjeen Bejrafnis. Em Himmel es jieda eena opp emma jleklich met Gott.



18